

M118: Pfälzer Judeneid

0,12 Umbe solich gut da mich dirrer man umbe hat beclaget .
0,13 daz en weiz ich . noch en han es nit . noch nehein
0,14 min gewalt . in erden . uerborgen . noh in muren uermuret .
0,15 noch mit sluzzelen beslozzen . So dir gnade der got abrahames .
0,16 ysaakes . onde iacobes . onde der selbe got . der
0,17 loub onde gras hat geschaffen . daz e . nit en was . bede
0,18 wag onde luft . himel ond erden . daz du unshuldek bist .
0,19 des dich dirrer man zihet . onde so dir gnade Adonay .
0,20 onde sin geweldegiv godeheit . onde so dir helfe div ewa
0,21 die got gab heren moysi . an den steinenen dauelen . uff
0,22 monte synai . ond obe du her umbe shuldik sist . des dich
0,23 dirrer man zihet . so muoze dich ane gen . div selbe meselsuht .
0,24 die naaman an imo hada . onde gezi ane gienk . onde so
0,25 muoze dich uerbrennen . daz selbe himelshe vivr . daz chore
0,26 datan ond abyron . ond die mit in uerbrunnen . uerdarbda .
0,27 onde so du iemer gnesest in deme iungesten urdeile . da
0,28 cristenen onde ivden ersten solen . daz du unshuldik bist .
0,29 des dich dirrer man zihet . so du iemer gruene werdes .
0,30 onde so dien griez . iemer kume zu anderme grieze .
0,31 onde so din griez iemer kume in den barn abrahames .